



Broj: 08-01-03/2-11-2-1164-57/24

Dana: 09.07.2024. godine

Na osnovu člana 20. stav (2) tačka n) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19, 21/20, 10/21 i 08/23), člana 72. stav (3) tačka a) Zakona o javnim nabavkama ("Službeni glasnik BiH", broj: 39/14 i 59/22), ministar Ministarstva unutrašnjih poslova Zeničko-dobojskog kantona, d o n o s i:

#### ODLUKU

o izboru drugorangiranog ponuđača "YAVUZ COMPANY" d.o.o. Srebrenik, za "LOT 7: Nabavka radova na izradi i montaži PVC pregrada u garaži Ministarstva unutrašnjih poslova Zeničko-dobojskog kantona-sjedište"

##### Član 1.

Dodjeljuje se prijedlog ugovora drugorangiranom ponuđaču "YAVUZ COMPANY" d.o.o. Srebrenik, u postupku javne nabavke "LOT 7: Nabavka radova na izradi i montaži PVC pregrada u garaži Ministarstva unutrašnjih poslova Zeničko-dobojskog kantona-sjedište", sa ponudom broj: 08-01-03/2-11-2-1164-5/24 od 03.06.2024. godine i ponuđenom cijenom u iznosu od 7.490,00 KM bez PDV-a, u koju je uračunat popust ostvaren na e-Aukciji.

##### Član 2.

Poništava se u cjelosti Odluka ugovornog organa broj: 08-01-03/2-11-2-1164-29/24 od 24.06.2024. godine, u postupku javne nabavke pod nazivom "LOT 7: Nabavka radova na izradi i montaži PVC pregrada u garaži Ministarstva unutrašnjih poslova Zeničko-dobojskog kantona-sjedište" kojom je kao prvorangirani ponuđač odabran ponuđač "MEGA-ROLL" d.o.o. Gračanica.

##### Član 3.

Odabrani ponuđač dužan je u roku od 5 (pet) dana od dana zaprimanja ove Odluke, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije Suda BiH i izvod nadležnog suda prema sjedištu ponuđača, da u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan; Napomena: Prema stavu Agencije za javne nabave, potrebno je dostavljanje oba uvjerenja! Ponuđač je dužan dostaviti uvjerenje izdato od strane Suda BiH, kao i uvjerenje suda nadležnog prema svom sjedištu, iz kojeg je vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz članka 45. stav (1) tačka a) ZJN. Nije prihvatljivo uvjerenje izdato od bilo kojeg suda u BiH, u kojem nisu naznačena sva navedena krivična djela, već samo neka od njih ili uvjerenje suda koji nije nadležan prema sjedištu ponuđača.
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.



#### Član 4.

Ova Odluka objavit će se na web stranici ugovornog organa ([www.mupzdk.gov.ba](http://www.mupzdk.gov.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### Član 5.

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### O b r a z l o ž e n j e

Na osnovu Odluke o pokretanju postupka broj: 08-01-03/2-11-2-1164/24 od 03.05.2024. godine i Obavještenja o nabavci broj: 488-1-3-29-3-35/24 od 06.05.2024. godine, proveden je otvoreni postupak javne nabavke radova na izradi i montaži PVC pregrada u garaži Ministarstva unutrašnjih poslova Zeničko-dobojskog kantona-sjedište. Procijenjena vrijednost nabavke je iznosila 8.940,00 KM bez uključenog PDV-a. Sažetak obavještenja o nabavci broj: 488-1-3-29-3-35/24 objavljen je dana 10.05.2024. godine u "Službenom glasniku BiH", broj: 32. Komisija za javnu nabavku imenovana je Rješenjem o imenovanju Komisije za javnu nabavku broj: 08-01-03/2-11-2-1164-4/24 od 28.05.2024. godine.

Komisija je sačinila Zapisnik o prijemu ponuda broj: 08-01-03/2-11-2-1164-11/24 od 06.06.2024. godine i Zapisnik sa otvaranja ponuda broj: 08-01-03/2-11-2-1164-12/24 od 06.06.2024. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda, o čemu je sačinila gore pomenute Zapisnike, iz kojih je utvrđeno da su se do roka određenog za dostavljanje ponuda 5 (pet) ponuđača prijavila na predmetno javno nadmetanje, i to ponuđači: "YAVUZ COMPANY" d.o.o. Srebrenik, "MEGA-ROLL" d.o.o. Gračanica, "NIWEX" d.o.o. Derventa, "DKM GRADNJA" d.o.o. Maglaj i "HDI" d.o.o. Semizovac.

Nadalje, Komisija je sačinila Zapisnik o pregledu i ocjeni ponuda broj: 08-01-03/2-11-2-1164-16/24 od 19.06.2024. godine, te utvrdila da:

"NIWEX" d.o.o. Derventa nije kvalifikovan s obzirom da u ponudi za LOT 7 nije dostavio Izjavu o garantnom roku za izvedene radove iz tačke 10 a) tenderske dokumentacije, odnosno nije postupio prema tački 16. tenderske dokumentacije u pogledu dostavljanja traženih dokumenata i dokaza koji se traže za pojedini LOT. Naime, prema tački 16. tenderske dokumentacije samo dokumentacija kojom se dokazuje da ne postoje razlozi za isključenje i dokazi sposobnosti koji su zajednički za više LOT-ova, se dostavljaju uz prvi LOT, a ostali dokumenti se moraju dostaviti uz ponudu za taj LOT.

"HDI" d.o.o. Semizovac nije kvalifikovan s obzirom da u ponudi za LOT 7 nije dostavio Izjavu o garantnom roku za izvedene radove iz tačke 10 a) tenderske dokumentacije koja je obavezan dio ponude shodno tački 14. pod g) tenderske dokumentacije.

Dana 19.06.2024. godine u 10:00 časova, u skladu sa odredbama Pravilnika o uslovima i načinu korištenja e-Aukcije ("Službeni glasnik BiH" broj: 80/23), započeta je e-Aukcija između ponuđača čije su ponude ocijenjene kao prihvatljive.

Početna rang lista ponuđača koji su pozvani da učestvuju na e – Aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1.	YAVUZ COMPANY d.o.o. Srebrenik	4209709440005	8.930,00	3
2.	MEGA-ROLL d.o.o. Gračanica	4210274640005	8.900,00	1
3.	DKM GRADNJA d.o.o. Maglaj	4218267310009	8.920,00	2

Aukcija je okončana dana 19.06.2024. godine u 10:22 časova.

Konačna rang lista ponuđača koji su učestvovali na e-Aukciji, kako slijedi:

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	MEGA-ROLL d.o.o. Gračanica	4210274640005	7.200,00	19,10%	1
2.	YAVUZ COMPANY d.o.o. Srebrenik	4209709440005	7.490,00	16,13%	2
3.	DKM GRADNJA d.o.o. Maglaj	4218267310009	7.699,99	13,68%	3

Rangiranje prihvatljivih ponuda prema kriterijumu za izbor ponude:

Naziv ponuđača	Početna cijena ponude bez PDV-a u KM	Popust	Početna cijena ponude bez PDV-a u KM, sa popustom (prije e-aukcije)	Konačna cijena ponude bez PDV-a u KM, sa popustom (nakon e-aukcije)	Rang
YAVUZ COMPANY d.o.o. Srebrenik	8.930,00	NE	8.930,00	7.490,00	2
MEGA-ROLL d.o.o. Gračanica	8.900,00	NE	8.900,00	7.200,00	1
DKM GRADNJA d.o.o. Maglaj	8.920,00	NE	8.920,00	7.699,99	3

U skladu sa navedenim ugovorni organ je donio Odluku broj: 08-01-03/2-11-2-1164-29/24 od 24.06.2024. godine, kojom je kao najpovoljniji ponuđač u postupku "LOT 7: Nabavka radova na izradi i montaži PVC pregrada u garaži Ministarstva unutrašnjih poslova Zeničko-dobojskog kantona-sjedište", odabran ponuđač "MEGA-ROLL" d.o.o. Gračanica. Međutim, izabrani ponuđač nije postupio u skladu sa članom 2. navedene Odluke, te u ostavljenom roku nije dostavio original ili ovjerene kopije dokumentacije iz člana 45.-47. Zakona o javnim nabavkama.

Slijedom navedenog, a u skladu sa članom 72. stav (3) tačka a) Zakona o javnim nabavkama, odlučeno je kao u dispozitivu.

#### PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa, u postupku javne nabavke, ima pravo uložiti žalbu na postupak u pisanoj formi u roku od 10 (deset) dana od dana prijema odluke o izboru drugorangiranog ponuđača. Žalba se izjavljuje Uredu za razmatranje žalbi Bosne i Hercegovine, putem ugovornog organa, u pisanoj formi direktno, elektronskim putem, ili preporučenom poštanskom pošiljkom. Žalba se podnosi u najmanje 3 (tri) primjerka.

#### DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-

